

花草粹編七卷目錄

中調

賀明朝

朝玉階

玉堂春

後庭宴

望遠行

遐方怨

臨江仙

接賢賓

荷花媚

鞦韆紅

憶江南

尋梅

繫裙腰

秋蘂香引

少年心

七娘子

一剪梅

唐多令

蝶戀花

魚水同歡

魚水同歡

慶靈椿

雨中花令

撥棹子

一名一籬金捲珠
簾鳳樓梧四十五

花草粹編卷七

贊成功

定風波 五

金蕉葉

明月逐人來

漁家傲 二十

破陣子 一名五拍子

攤破南鄉子

一名青杏兒二

蘇幙遮 六

好女兒 二

捉拍醜奴兒 三憐薄命

井州遍 二

憂金釵 二

獻衷心 二

黃鍾樂

香山會

醉春風 二

緱山月

侍香金童

鈿帶長中腔

芭蕉雨

喝火令

淡黃柳

厭金盃

行香子 四二十

千金意

聲聲令

錦纏道

解佩令 二

品令 三

看花回 三

如意令 三

風中柳

酷相思

垂絲釣 二

賣花聲

謝池春 二

感皇恩 八

三奠子 四

青玉案 十五

鳳凰閣 二

撒金錢

天仙子 八

兩同心 五

殢人嬌 六

江城子 一名江神十二十二

雨中花令

惜黃花

且坐令

小桃紅 二

紅娘

月上海棠 四

脫銀袍

祭祿神

花草粹編七卷目錄終

花草粹編卷之七

朗陵外方陳耀文晦伯甫纂

中調

賀明朝

歐陽炯

憶昔花間相見後只憑纖手暗拋紅豆人前不解巧
傳心事別來依舊辜負春晝碧羅衣上蹙金繡靚
對鴛鴦空裏淚痕透想韶顏非久終是為伊只恁偷
瘦

朝玉階

杜壽域

簾捲春寒小雨天牡丹花落盡惜庭軒高空雙燕舞

翩翩無風輕絮暗墜吾錢 擬將幽怨寫香箋中心
多少事語難傳思量真箇惡因緣那堪長夢見在伊
邊

王堂春

晏同叔

帝城春暖御柳暗遮空苑游燕雙雙拂颺簾籠女伴
相携共遠林間路折得櫻桃插髻紅 昨夜臨明微
雨新英徧舊叢寶馬香車欲傍西池看處揚花滿袖
風

二

後園春早殘雪尚濛烟草數樹寒梅欲綻香英小妹

無端折盡釵頭朶滿把金樽細細傾 憶得往年同
伴沉吟無限情惱亂東風莫便吹零落惜取芳菲眼
下明

後庭宴

庚溪
詩話

石刻

宣和
中
掘得

千里故鄉十年華屋亂魂飛過屏山簇眼重眉褪不
勝春菱花知我銷香玉 雙雙燕子歸來應解笑人
幽獨斷歌零舞遺恨清江曲萬樹綠低迷一庭紅撲
簌

望遠行

韋莊

欲別無言倚畫屏含恨暗傷情謝家庭樹錦鷄鳴殘

月落邊城 人欲別馬頻嘶綠槐十里長堤出門芳
草路萋萋雲雨別來易東西不忍別君後却入舊香
闥

遐方怨

顧曼

簾影細簾紋平象紗籠玉指綾金羅扇輕嫩紅雙臉
似花明兩條眉黛遠山橫 鳳簫歇鏡塵生遼塞音
書絕夢魂長暗驚玉郎經歲負娉婷教人爭不忺無
情

臨江仙

滕子京

湖水連天天連水秋來分外澄清君山自是小蓬瀛

青
氣蒸雲夢澤波撼岳陽城 帝子有靈能鼓瑟
依舊傷情微聞蘭芷動芳響曲中人不見江上數峯

東坡

夜飲東坡醒復醉歸來髣髴三更家僮鼻息若雷鳴
敲門都不應久立聽江聲 長恨此身非我有何時
忘却營營夜來風靜縠紋平扁舟從此逝江海寄餘
生

春暮

晁無咎

綠暗汀洲三月暮落花風靜帆收垂楊低映木蘭舟

半篙春水滑一段夕陽愁
灞水橋東回首處美人
親上簾鈎青鸞無計入紅樓
行雲歸楚峽飛夢到揚
州

李端叔

九十日春都過了尋常偶到江臯
水容山態兩相饒
草平天一色風暖燕雙高
酒病厭厭何計那飛紅
更送無聊鶯聲猶似耳邊嬌
難回巫峽夢空恨武陵
桃

感舊

陳去非

憶昔午橋橋上飲坐中多少豪英
長溝流月去無聲

杏花踈影裏吹笛到天明
二十餘年成一夢此身
雖在堪驚閑登小閣看新晴
古今多少事漁唱起三
更

秦少游

千里瀟湘接藍浦蘭橈昔日曾經
月高風定露華清
微波澄不動冷侵一天星
獨倚梳櫺情悄悄遙聞
妃瑟泠泠新聲含盡古今情
曲終人不見江上數峯
青

晁叔用

憶昔西池池上飲年年多少歡娛
別來不寄一行書

尋常相見了猶道不如初
安穩錦屏今夜夢月明
好渡江湖相思休問定何如
情知春去後管得落花
無

程正伯

濃綠鎖窓閑院靜照人明月團圓
夜長幽夢見伊難
瘦從香臉薄愁到翠眉殘
只道花時容易見如今
花盡春闌画樓依舊五更寒
可憐紅綉被空記合時
歡

夜景

李知幾

煙柳踈踈人悄悄畫樓風外吹笙倚欄
聞喚小紅聲

薰香臨欲睡玉漏已三更
坐待不來來不去一方
明月中庭粉墻東畔小橋橫
起來花影下扇子撲飛
螢

阿初方去

趙德麟

枝上粉香吹欲盡依前庭院春風更誰同
遶摘芳叢
漏殘金獸冷信斷錦屏空
看結燈花愁不睡酒闌
無夢相逢淒涼長判一生中不知雲外月
永夜在房
櫳

立春

自名鴈
後歸

賀方回

巧剪合歡羅勝子釵頭春意翩翩艷歌淺笑拜嫣然

願即宜此酒行樂駐華年
未至文園多病客
幽襟悽斷堪憐
舊遊夢掛碧雲邊
人歸落鴈後
思發在花前

憶舊

張弘範

千古武陵溪上路
桃源流水潺潺
可憐仙契剩濃歡
黃鸝驚夢破
青鳥喚春還
回首舊遊
渾不見
蒼煙一片荒山
玉人何處倚闌干
紫簫月底翠袖暮雲寒

石孝友

一霎狂雲驚雨過
月華恰到簾櫳前
疊石翠參差

洞房相見處
燈火乍涼時
睡玉眠花愁夜短
恁恁共惜佳期
風梧不動酒醒遲
好同蝴蝶夢飛上鳳凰枝

二

醉袖吟鞭行色裏
帽簷低處風斜晚
山一半被雲遮
殘陽明遠水
古木集棲鴉
暮去朝來綠底事
不如早早還家
曲屏深幌小窓紗
翠沾眉上柳紅搵臉邊花

自詠

劉德脩

我以萬山千里外
悠然一片歸雲
官銜猶自帶云云

誰知前進士已是故將軍
閑行閑坐閑飲酒閑拈
閑字閑文諸公留我笑紛紛
一枝簪寶髻六幅舞羅
裙

閨怨

劉叔安

蕩紫飄紅芳信斷都無人問
穠纖吟鞭倚醉問涼蟾
香消金縷篆塵壓寶粧奩
夢峽朝雲飛不到一春
離緒厭厭却疑歸燕礙重簾
心期花底誤眉恨柳邊
添

晁叔用

雙舸亭亭橫晚渚城中飛觀
差我畫橋燈火照清波

王鈞平浸水金鎖半沉河
試問無情堤上柳也應
厭聽離歌人生無奈別離何
夜長嫌夢短淚少怕愁
多

顧曼

碧染長空池似鏡倚樓閑望
凝情滿衣紅藕細香清
象床珍簾山障掩玉琴橫
暗想昔時歡笑事如今
贏得愁生博山爐煖澹煙輕
蟬吟人靜殘日傍小窓
明

晏叔原

東野亡來無麗句于君去後
少交親追思往事好沾

中白頭王建在猶見詠詩人
學道深山空自老
雷名千載不干身
酒筵歌席莫辭頻
爭如南陌上占取
一年春

離懷

王逐客

別岸相逢何草草
扁舟兩岸垂楊綉
屏珠箔綺香囊
酒深歌拍緩
愁入翠眉長
燕子歸來人去也
此時無柰昏黃
桃花應是我心腸
不禁微雨流淚濕紅粧

閻選

雨停荷芰逗濃香
岸邊蟬噪垂楊物
華空有舊池塘
不逢仙子何處夢
襄王珍簾對歌鴛
枕冷此來塵

暗裏涼欲憑危檻
恨偏長藕花珠綴
猶似汗凝粧

李後主

櫻桃落盡春歸去
蝶翻輕粉雙飛
十規啼月小樓西
王鈞羅幕惆悵暮煙垂
別巷寂寥人散後
望殘煙草低迷
爐香閒裊鳳凰兒
空持羅帶回首恨依依

續聞云親見後主梵業書塗注數字未嘗不全蘇子由題此詞云凄涼悲慕真亡國之音也

西清詩話云後主圍城中作詞云櫻桃結子春歸盡蝶翻金粉雙飛子規啼月小樓西畫簾朱箔惆悵倦捲金泥門巷寂寞人去後望殘煙草低迷詞未就而城破墨莊謾錄云劉延仲為補之云何時重

聽毛鷓鴣嘶撲簾柳絮依約夢回時

庭空客散人歸後，畫堂半掩珠簾。林風浙浙夜厭厭。
小樓新月，回首自纖纖。春光鎮在人空老，新愁往
恨何窮。金窓力困起還慵。一聲羌笛，驚起醉怡容。

宮詞

鹿虔扈

金鑰重門荒苑靜，綺窓愁對秋空。翠華一去寂無蹤。
玉樓歌吹聲斷已隨風。煙月不知人事改，夜闌還
照深宮。藕花相向野塘中，暗傷亡國清露泣香紅。

柳

許庭
庚溪詩話

不見昭陽宮內柳，黃金齊撚輕柔。東君昨夜到皇州。
玉階金井無處不風流。悵望翠華春欲暮，六宮都

鎖春愁。暖風吹動繡簾鉤，飛花委地時轉玉香毬。

二

不見隋河堤上柳，綠陰流水依依。龍舟東下疾於飛。
千條萬葉濃翠染旌旗。記得當年春去也，錦帆不
見西歸。故拋輕絮點人衣。如將亡國恨說與路人知。

三

不見陶家門外柳，柴扉一徑遙。通開門終日掩清風。
感君高節綠蔭向人濃。籬落蕭疎鷄犬靜，日長飛
絮濛濛。先生一醉萬緣空。經時高卧不到翠陰中。

四

不見都門亭畔柳春來綠盡長條柳邊行色馬蕭蕭
一枝折贈相見又何朝酒盡曲終人去也風前亦
自無聊祇應於我恨偏饒東君特地付與沈郎腰

五

不見灞陵原上柳往來過盡蹄輪朝離南楚暮西秦
不成名利贏得鬢毛新莫怪枝條憔悴損一生唯
苦征塵兩三煙樹倚孤村夕陽影裏愁殺宦游人

夏景

永叔

池外輕雷池上雨雨聲滴碎荷聲小樓西角斷虹明
欄干倚處待得月華生燕子飛來窺畫棟玉鈎垂

下簾旌涼波不動簟紋平水晶雙枕傍有墮釵橫

絳華堂進泛索

張掄

聞道彤廷森寶仗霜風逐雨驅雲六龍扶輦下青冥
香隨奎扇遠日映赭袍明簾捲天街人頂戴滿城
喜氣氤氳等閑散作八荒春祇知天意好昨夜月華

新

毛文錫

暮蟬聲盡落斜陽銀蟾影挂瀟湘黃陵廟側水茫茫
楚山紅樹煙雨隔高唐岸泊漁燈風颭碎白蘋遠
散濃香靈娥鼓瑟韻清商朱絃安切雲散碧天長

牛希濟

峭碧參差十二峯，冷煙寒樹重重。
瑤姬宮殿是仙蹤。
金鑪珠帳香靄晝，偏濃。
一自楚王驚夢，斷人間無路相逢。
至今雲雨帶愁容，月斜江上，征棹動晨鐘。

二

江繞黃陵春廟閑，嬌鶯獨語關關。
滿庭重疊綠苔斑。
陰雲無事四散自歸山。
簫鼓聲稀香燼冷，月娥歛盡灣環。
風流皆道勝人間，須知狂客判死為紅顏。

三

素洛春光潑灩平，千重媚臉初生。
凌波羅襪勢輕輕。

煙籠日照珠翠半分明，風引寶衣疑欲舞。
鸞迴鳳翥堪驚也，知心許，恐無成。
陳王辭賦千載有聲名。

四

柳帶搖風漢水濱，平蕪兩岸爭勻。
鴛鴦對浴浪痕新。
弄珠游女微笑，自含春。
輕步暗移蟬鬢動，羅裙風惹輕塵。
水精宮殿豈無因，空勞纖手解珮，贈情人。

五

洞庭波浪颭晴天，君山一點凝煙。
此中真境屬神仙。
玉樓珠殿相映，月輪邊。
萬里平湖秋色，冷星辰，垂影參然。
橘林霜重更紅鮮，羅浮山下有路，暗相連。

梅

李易安

庭院深深深深幾許雲窓霧閣春遲為誰憔悴損芳姿
夜來清夢好應是發南枝玉瘦檀輕無限恨南樓
羞管休吹濃香吹盡有誰知暖風遲日也別到杏花
肥

二

庭院深深深深幾許雲窓霧閣常高柳梢梅萼漸分明
春歸秣陵樹人客建安城感月吟風多少事如今
老去無成誰憐憔悴更彫零燈花空結蕪離別共傷
情

寄外

劉氏苕溪
漁隱

千里長安名利客輕離輕散尋常難禁三月好風光
滿階芳草綠一片杏花香記得年時臨上馬看人
眼淚汪汪如今不忍更思量恨無千日酒空斷九回
腸劉章文虎妻
名彤字文美

立春寄季順妹

延安夫人

一夜東風穿綉戶融融暖應佳時春來何處最先知
平明堤上柳染遍鬱金枝姊妹嬉遊時節近今朝
應怨來遲憑誰說與到家期玉釵頭上勝留待遠人
歸

熟水

易少夫人

何處甘泉來席上嫩黃初湯銀瓶月團嘗罷有餘清
惠山名品在歌舞暫留停 欲賞壑源新氣味不應
兼進稀苓此中端有淡交情相如方病酒一飲骨毛
輕

接賢賓

毛文錫

香鞦縷檐五花驄值春景初融流珠噴沫躑躅汗血
流紅 少年公子能乘馭金鑣玉轡瓏璵為惜珊瑚
鞭不下驕生百步千蹤信穿花從拂柳向九陌追風

荷花媚

霞苞電荷碧天然地別是風流標格重重青蓋下千
嬌照水好紅紅白白 每伊望明月清風夜甚低迷
不語妖邪無力終須放船兒去清香深處住看伊顏
色

鞦紅

粉香尤嫩衾寒可慣怎柰向春心已轉玉容別是一
船閑婉悄不管桃紅杏淺 月影簾櫳金堤波面漸
細細香風滿院一枝折寄故人雖遠輒莫使江南信
斷

憶江南

馮延巳

去歲迎春樓上月正是西窓夜涼時節玉人貪睡墜
釵雲粉消粧薄見天真 人非風月長依舊破鏡塵
第一夢經年瘦今宵簾幙颺花陰空餘枕淚獨傷心

二

今日相逢花未發正是去年別離時節東風次第有
花開恁時須約却重來 重來不怕花堪折祇怕明
年花發人離別別離若向百花時東風彈淚有誰知

尋梅

沈會宗

幽香淺淺濕未透認雪底思來始有剪裁尚覺瓊瑤
皴苦寒中越恁骨清肌瘦 東風氣象園林舊又今

年而今時候急宜小摘當罇酒選一枝且付玉人纖
手

二

今年早覺花信蹉想芳心未應悞我一日小徑幾回
過始朝來尋見雪痕微破 眼前大抵情無那好景
色只銷些箇春風爛熳都且可是而今枝上一朶兩
朶

繫裙腰

張子野

清霜蟾照夜雲天朦朧影畫勾欄人情縱似長情月
笑一年又能得幾番圓 欲寄西江題葉字流不到

五亭前東池始有新荷綠尚小如錢問何日藕幾時
蓮

劉叔儼

山兒轟轟水兒清船兒似葉兒輕風兒更没人情月
兒明厮合湊送人行眼兒軟軟淚兒傾燈兒更冷
清清遭逢鴈兒又沒前程一聲聲怎生得夢兒成

魏夫人 芳草渡

燈花耿耿漏遲遲人別後夜涼時西風瀟洒夢初回
誰念我就單枕皺雙眉錦屏綉幌與秋期腸欲斷
淚偷垂月明還到小窗西我恨你我憶你你爭知

秋藥香引 相思

柳耆卿

留不得光陰催促有芳蘭歇好花謝唯頂刻彩雲易
散琉璃脆驗前事端的風月夜幾處前蹤舊跡忍
思憶這回望斷永作終天隔向仙島歸冥路兩無消
息

少年心

黃魯直

對景惹起愁悶染相思病成方寸是阿誰先有意阿
誰薄倖斗顛恁少喜多嗔合下休傳音問你有我
我無你分似合歡桃核真堪人恨心兒裏有兩箇人
人

七娘子

向子諲

山園水繞高唐路恨密雲不下陽臺雨霧閣雲窓風
亭月戶分明携手同行處而今不見生塵步但長
江無語東流去滿地落花漫天飛絮誰知總是離愁
做

願堂

花明霧暗非花霧似春屏短夢無憑據夜月將來曉
燈催去半衾餘暖空留住情柔意密愁千縷想一
聲鷄唱東城路暫作行雲暫為行雨陽臺望極人何
處

一剪梅

吳江

蔣勝欲

一片春愁待酒澆江上舟搖樓上帘招秋娘度與泰
娘嬌風又飄飄雨又蕭蕭何日歸家洗客袍銀字
笙調心字香燒流光容易把人拋紅了櫻桃綠了芭
蕉

客中新雪

方秋崖

誰剪輕瓊做物華春遶天涯水遶天涯園林曉樹恁
橫斜道是梅花不是梅花宿鷺聯拳倚斷槎昨夜
寒些今夜寒些孤舟簑笠釣烟沙待不思家怎不思
家

晏璧

客路輕寒笑敝貂一半春銷一半魂銷滿城風雨冷
蕭蕭去歲花朝今歲花朝 記得樓西畫扇招汗濕
鮫綃淚濕鮫綃別時楊柳又長條人在溪橋月在溪
橋

劉潛夫

陌上行行恠府公還是文窮還是詩窮下車上馬太
匆匆來是春風去是秋風 階衙免得管兵農嬉到
昏鐘睡到齋鍾不須提岳與知宮喚作溪翁喚作山
翁

程正伯

小會幽歡正及時花也相宜人也相宜寶香未斷燭
光低莫厭杯遲莫恨懽遲 夜漸深深漏漸稀風已
侵衣露已沾衣一盃重勸莫相違何似休歸何似同
歸

徐淵子道似

道學從來不則聲行也東銘坐也西銘爺娘死後更
伶仃也不看經也不齋僧 却言淵子太狂生行也
輕輕坐也輕輕他年青史總無名你也能亨我也能
亨淵子天台人初官戶曹其長方以道學自高每以
輕銳抑之適其長以母死去官淵子賦此詞

咸淳甲子又復經量湖南 醴陵士人
宰相巍巍坐廟堂說着經量便要經量那箇臣僚上
一章頭說經量尾說經量 輕狂太守在吾邦聞說
經量星夜經量山東河北久拋荒好去經量胡不經
量

春別

虞集

豈寇稍頭春色闌風滿前山雨滿前山杜鵑啼血五
更殘花不禁寒人不禁寒 離合悲歡事幾般離有
悲歡合有悲歡別時容易見時難怕唱陽關莫唱陽
關

李易安

紅藕香殘玉簟秋輕解羅裳獨上蘭舟雲中誰寄錦
書來鴈字回時月滿西樓 花自飄零水自流一種
相思兩處閑愁此情無計可消除纔下眉頭又上心
頭

易後妻

染淚脩書寄彥章貪做前廊忘却回廊功名成遂不
還鄉石做心腸鉄做心腸 紅日三竿懶畫粧虛度
韶光瘦損容光相思何日得成雙羞對鴛鴦懶對鴛
鴦

唐多令

贈有
觴者

劉改之

蘆葉滿汀洲寒沙帶淺流二十年重到南樓柳下繫
船猶未穩能幾日是中秋黃鶴斷磯頭故人今在
否舊江山都是新愁欲買桂花重載酒終不似少年
遊

惜別

吳君特

何處合成愁離人心上秋縱芭蕉不雨也颼颼都道
晚涼天氣好有明月怕登樓年事交中休花空煙
水流燕辭歸客尚淹留垂柳不繫裙帶住謾長是繫
行舟

鄧光薦

雨過水明霞潮田岸帶沙葉聲寒飛透窻紗懊恨西
風吹世換更吹我落天涯寂寞古豪華烏衣日又
斜說興亡燕入誰家惟有南來無數鴈和明月宿蘆
花

茗溪故妓

尹煥野語

蘋末轉清商溪聲供夕涼緩傳盃催喚紅粧慢縮烏
雲新浴罷裙拂地水沉香歌短舊情長重來驚鬢
霜悵綠陰青子成雙說着前歡伴不采颺蓮子把鴛
鴦

惟曉嘗於茗溪籍中偶有所盼後十年復訊舊游
則已歸一宗子矣雖經生子而名未落籍因假於
郡將久之始來相對若不勝情者為
賦此詞人以為可繼杜牧之之事云

蝶戀花

李後王

遙夜亭臯閑信步乍過清明早覺傷春暮數點雨聲
風約任朦朧淡月雲來去桃李依依春暗度誰在
秋千笑裡低低語一片芳心千萬緒人間沒箇安排

處

見博前集本事曲以為山東李冠作

馮延巳

花外寒鷄天欲曙香印成灰起坐渾無緒庭際高梧
凝宿霧卷簾雙鵲驚飛去屏上羅衣閑綉縷一餉

關情憶遍江南路夜夜夢魂休謾語已知前事無情
處

二

蕭索清秋珠泪墜枕簟微涼展轉渾無寐殘酒欲醒
中夜起月明如練天如水堦下寒聲啼絡緯庭樹
金風悄悄重門閉可惜舊歡携手地思量一夕成憔悴

三

幾度鳳樓同飲安此夕相逢却勝當時見低語前歡
頻轉面雙眉歛恨春山遠 鳩燭淚流羞箇怨偷整

羅衣欲唱情猶懶醉裡不辭金爵滿陽關一曲腸千
斷

四

幾日行雲何處去忘了歸來不道春將暮百草千花
寒食路香車繫在誰家樹淚眼倚樓頻獨語雙燕
飛來陌上相逢否撩亂春愁如柳絮悠悠夢裡無尋
處

晏同叔

簾幕風輕雙語燕午醉醒來柳絮飛撩亂心事一春
猶未見餘花落盡青苔院百尺朱樓閑倚遍薄雨

濃雲抵死遮人面消息未知歸早晚斜陽只送平波
遠

二

檻菊愁烟蘭泣露羅幕輕寒燕子雙飛去明月不諳
離恨苦斜光到曉穿朱戶昨夜西風彫碧樹獨上
高樓望盡天涯路欲寄彩牋憑尺素山長水濶知何
處

黎葉疎紅蟬韻歇銀漢風高玉管聲淒切枕簟乍涼
銅漏咽誰教社燕輕離別草際蛩吟珠露結宿酒

醒來不記歸時節多少衷腸猶未說朱簾一夜朦朧
月

小山

醉別西樓醒不記春夢秋雲聚散真容易斜月半窓
還少睡畫屏閑展吳山翠衣上酒痕詩裡字點點
行行總是淒涼意紅燭自憐無好計夜寒空替人垂
淚

二

欲減羅衣寒未去不捲珠簾人在深深處殘杏枝頭
花幾許啼紅正恨清明雨盡日沉香烟一縷宿酒

三

醒遲惱被春情緒遠信還因歸燕誤小屏風上西江
路

碧落秋風吹玉樹翠節紅旌晚過銀河路休笑星機
停弄杼鳳帟已在雲深處樓上金針穿綉縷誰管
天邊隔歲分飛苦試等夜闌尋別緒浪痕千點羅衣
露

四

碧玉高樓臨水住紅杏開時花底曾相遇一曲陽春
春已暮曉聲鶯斷朝雲去遠水來從樓下路過盡

流波未得魚中素月細風尖垂柳渡夢魂常在分襟
處

五

夢入江南烟水路行盡江南不與離人遇睡裡銷魂
無說處覺來惆悵佳期誤欲盡此情書尺素浮鴈
沉魚終了無憑據却倚鯤絃歌別緒斷腸移被秦箏
柱

六

黃菊開時傷聚散曾記花前共說深深願重見金英
人未見相思一夜天涯遠羅袖同心閑結徧帶易

滿
成雙人恨成雙晚欲寫綵箋書別怨枕痕早已先書

丁謂之

十二層樓春色早三殿笙歌九陌風光好堤柳岸花
連複道玉梯相對開蓬島鶯囀喬林魚在藻太液
微波綠闥王孫草南闕萬人瞻羽葆後天祝聖天難
老

情景

宋子京

綉幕茫茫羅帳捲春睡騰騰困入嬌波慢隱隱枕痕
留玉臉膩雲斜溜釵頭燕遠夢無端惟又散淚落

胭脂界破蜂黃淺整了翠鬟勻了面芳心一寸情何
限

杜壽域

籬落繁枝千萬片猶自多情似雪隨風轉昨夜笙歌
容易散酒醒添得愁無限樓上春雲山四面過盡
征鴻暮景烟深淺一餉凭欄人未見紅綃掩淚思量
遍

二

惆悵留春留不住欲到清和背我堂堂去飛絮落花
和細雨淒涼庭院流鶯度更被閑愁相賺誤夢斷

高唐回首桃源路一餉沉吟無意緒分明往事今何
處

三

整頓雲鬟初睡起庭院無風盡日簾垂地畫閣巢新
燕聲喜楊花狂散無拘繫近來早是添憔悴金縷
衣寬賽過宮腰細冉冉光陰似流水春殘鶯老人千
里

春思

趙元鎮

盡日東風吹綠樹向晚輕寒數點催花雨年少淒涼
天賦與更堪春思縈離緒臨水高樓携酒處曾倚

花草種絲 卷七
哀絃歌斷黃金縷樓下水流何處去凭欄目送蒼烟暮

別恨

吳子和

急水浮萍風裏絮恰似人情恩愛無憑據去便不來
來便去到頭畢竟成輕負
簾卷春山朝又暮鶯燕
空忙不念花無主心事萬千誰與訴斷雲零雨知何
處

春思

前人

滿地落紅初過雨綠樹成陰紫燕風前舞烟草低迷
縈小路晝長人靜扃朱戶
沉水香銷新剪亭歌枕

去
朦朧花底聞鶯語春夢又還隨柳絮等閑飛過東墻

佳人

李冠

貼鬢香雲雙綰綠柳弱花嬌一點春心足不肯玉簫
閑度曲惱人特把青蛾蹙
靜夜溪橋霜薄屋獨影
行歌驚起雙鶯宿愁破酒闌闌
閨夢熟月斜窗外風敲
竹

春暮

永叔

庭院深深深深幾許楊柳堆煙簾幙無重數金勒雕鞍
遊冶處樓高不見章臺路
雨橫風狂三月暮門掩

黃昏無計留春住淚眼問花花不語亂紅飛過秋
去

懷舊

前人一作俞克成

海燕雙來歸畫棟簾影無風花影頻移動半醉海棠
春睡重綠鬟堆枕香雲擁翠被雙盤金縷鳳憶得
前春有箇人人共花裏鶯聲時一弄日斜驚起相思
夢

春恨

柳永

竚立危樓風細細極望春愁黯黯生天際草色煙光
殘照裏無言誰會凭欄意擬把踈狂圖一醉對酒

當歌強樂還無味衣帶漸寬終不悔為伊消得人憔
悴

綠楊

張子野

移得綠楊栽後院漸學宮腰二月青猶短不似灞陵
作送遠千思萬縷東西岸幾度小眉愁不展休唱
陽關真箇無腸斷分付與春春不管條條盡是離人
怨

春暮

東坡

花褪殘紅青杏小燕子來時綠水人家曉枝上柳綿
吹又少天涯何處無芳草墻裏秋千墻外道墻外

行人墻裏佳人笑笑漸不聞聲漸悄多情却被無情
惱

離別

前人

春事闌珊芳草歇客裏風光又過清明節小院黃昏
人憶別落紅處處聞啼鴉咫尺江山分楚越目斷
魂銷應是音塵絕夢破五更心欲折角聲吹落梅花
月

秦少游

鍾送黃昏鷄報曉昏曉相催世事何時了萬苦千愁
人自老春來依舊生芳草忙處人多閑處少閑處

小
先陰幾箇人知道獨上小樓雲杳杳天涯一點青山

前人集

曉日窺軒雙燕語似與佳人共惜春將暮屈指艷陽
都幾許可無時霎閑風雨流水落花無問處只有
飛雲冉冉來還去持酒勸雲雲且住憑君礙斷春歸
路

趙德麟

捲絮風頭寒欲盡墜粉飄香日日紅成陣新酒又添
殘酒困今春不減前春恨蝶去鶯飛無處問隔水

樓高望斷雙魚信惱亂橫波秋一寸斜陽只與黃昏近

司馬槩

妾本錢塘江上任花落花開不管流年度燕子却啣春色去黃昏幾度瀟瀟雨
蟬鬢犀梳雲欲吐檀板新聲唱徹黃金縷酒醒夢回無覓處凄凉明月生秋浦

春渚紀聞云司馬才仲初在洛下晝寢夢一美姝牽帷而歌云妾本云云黃梅雨才仲愛其詞因詢曲名云是黃金縷且曰後日相見於錢塘江上及才仲以東坡荐應制舉中等遂為錢塘幕官其辭舍後堂蘇小墓在馬時秦少章為錢塘尉為續其詞後云斜插云云生春浦不逾年而才仲携一麗

人登舟即前聲諾繼而火起舟尾狼忙者走報家已痛哭矣雲齋廣錄俱以為夢小小歌詞若溪漁隱亦載

鞋

楊補之

端正纖柔如玉削窄鞵弓鞵暖襯吳綾薄掌上細看才半榻巧偷強奪掌春酌
穩稱身材輕綽約微步盈盈未怕香塵覺試問更誰如樣脚除非借與嫦娥着

柳

周美成

愛日輕明新雪後柳眼星星漸欲穿窻牖不待長亭傾別酒一枝已入騷人手
淺淺接籃輕蠟透過盡

冰霜便與春爭秀強對青銅簪白首老來風味難依
舊

二

桃萼新香梅落後暗棄藏鴉冉冉垂亭慵舞困低迷
如着酒亂絲偏近遊人手 雨過朦朧斜日透客舍
青青特地添明秀莫話揚鞭回別首渭城荒遠無交
舊

三

蠢蠢黃金初脫後暖日飛綿取次粘窓牖不見長條
低拂酒贈行應已輸先手 鶯擲金梭飛不透小樹

危樓處處添奇秀何日隋堤縈馬首路長人遠空思

曉行

周美成

月皎驚鳥棲不定更漏將殘輾輾牽金井喚起兩眸
清炯炯淚花落枕紅綿冷 執手霜風吹髮影去意
徊徨別語愁難聽樓上闌干橫斗柄露寒人遠鷄相
應

石孝友

別後相思無限憶欲說相思要見終無計擬寫相思
特送似如何盡得相思意 眼底相思心裏事縱把

相思寫盡憑誰寄多少相思都做淚一齊淚損相思
字

二

薄倖人人留不住楊柳花時還是成虛度一枕夢回
春又去海棠吹落胭脂雨金鴨未銷香篆吐斷盡
柔腸看取沉烟縷獨上危樓凝望處西山暝色連南
浦

題扇

金章宗

歸潛志

幾股湘江龍骨瘦巧樣翻騰疊作湘波皺金縷小鈿
花草闌翠條更結同心扣金殿珠簾開永晝一握

清風暫喜懷中透忽聽傳宣須急奏輕輕褪入香羅
袖

清明前两日聞燕

汪宗臣

年去年來來去早恠底不來庭院春光老知過誰家
翻別調家家望斷飛蹤宵千里瀟湘烟渺渺不記
雕梁舊日恩多少匝近清明簷外叫故巢猶在朱簷
曉

一籬金

李石才

武陵春色濃如酒遊冶才郎初試花間手絳蠟燒殘
人靜後眉峯便作傷春皺一霎風狂和雨驟柳嫩

花柔渾不禁僛僛明日餘香知在否粉羅猶有殘紅
透

捲珠簾

魏夫人

記得來時春未暮執手攀花袖染花梢露暗卜春心
共花語爭尋雙朶爭先去 多情因甚相辜負輕折
輕離欲向誰分訴淚濕海棠花枝處東君空把奴分
付

李易安

淚搵征衣脂粉爇四疊陽關唱了千千遍人道山長
山又斷蕭蕭微雨聞孤館 惜別傷離方寸亂忘了

臨行酒盞深和淺若有音書憑過鴈東來不似蓬萊
遠

二

暖雨清風初破凍柳眼梅腮已覺春心動酒意詩情
誰與共淚融殘粉花鈿重 乍試夾衫金縷縫山枕
斜欹枕損釵頭鳳獨抱濃愁無好夢夜闌猶剪燈花
弄

上巳召親族

前人

永夜懨懨懽懽意少空夢長安認取長安道為報今年
春色好花光月影宜相照 隨意杯盤雖草草酒美

梅酸恰稱人懷抱醉莫插花莫笑可憐春似人將老

送春

朱淑真

樓外垂楊千萬縷欲係青春少住春還去猶自風前
飄柳絮隨春且看歸何處 滿目山川聞杜宇便做
無情莫也愁人意把酒送春春不語黃昏却下蕭蕭
雨

鳳樓梧

杜壽域

新月羞光影庭樹窗外芭蕉數點黃昏雨何事秋來
無意緒玉容寂寞雙眉聚 一點銀缸扇繡戶莎砌

寒蛩歷歷啼聲苦孤枕夜長君信否披衣顛坐魂飛
去

魚水同歡

哀長吉

棣萼樓前佳氣藹欣遇稱觴正斗杓移亥三兩日來
連慶會賀賓喜色增加倍 未遜徐雛分小大好比
晉朝二陸休聲在更祝靈椿顏不改三蘇相繼居台
宰

慶靈椿

壽胡夫
人生日

黃右曹
翰

瑞溪庭滿園秋色好簾幙低垂一牀簪笏人間盛沉
檀影裏笙歌沸處齊捧瑤卮 習禮復明詩胡氏清

畏人知壽堂已慶靈椿老年年歲歲重添嫩葉頻長
繁枝

雨中花令

贈胡楚中

張子野

近鬢綵鈿雲鴈細

大雲鴈小雲鴈

好客艷花枝爭媚

花枝

學

雙燕同栖還並翅

雙燕

我合着你難分離

善合

這佛面

前生應布施

金浮區

你更看蛾眉下秋水

眉

似賽九底

見他三五二

少胡

正悶裏也須歡喜

悶子

撥棹子

黃山谷

歸去來歸去來携手舊山歸去來有人共對月罇壘
橫一琴甚處逍遙不自在
閑世界無利害何必向

世間半幻愛與君釣晚煙寒瀨蒸白魚稻飯溪童供
筍菜

煙姿媚冰容薄芳渠嫩隱映新萍池閣擷英人去後
清香微綻透真珠簾幙
似無語含情垂綵佩戲芳
陰漸許纖鮮相託西風直須愛惜看看濃艷伴秋光
零落

贊成功

毛文錫

海棠未坼萬點深紅香苞絨結一重重似含羞態邀
勒春風蜂來蝶去任遶芳叢
昨夜微雨飄灑庭中

忽聞聲滴井邊桐美人驚起坐聽晨鐘快教折取戴
玉瓏璫

定風波

永叔

把酒花前欲問它對花何惜醉顏酡春到幾人能爛
賞何況無情風雨等閒多艷樹香叢都幾許朝暮
惜紅愁粉奈情何好是金船浮玉浪相向十分深送
一聲歌

詠梅

葉夢得

破萼初驚一點紅又看青子映簾櫳冰雪肌膚誰復
見清淺尚餘踈影照晴空惆悵年年桃李伴腸斷

祇應芳信負東風待得微黃春亦暮烟雨半和飛緒
作濛濛

張子野

西閣名臣奉詔行南牀更部錦衣榮中有瀛仙賓與
主相遇平津選首更神清溪上玉樓同宴喜歡醉
對堤盃兼惜秋英盡道賢人聚吳分試問也應中有
老人星

雪溪席上同會者六人楊元素侍讀劉孝
非吏部子瞻公擇二學士陳待舉賢良

東坡

月滿蒼溪照夜堂五星一老閉光芒十五年間真夢
裏何事長庚對月獨淒涼綠髮蒼顏同一醉還是

六人冷笑水雲鄉賓主談鋒誰得似看取曹劉今對
兩蘇張

東坡云余昔與張子野劉孝叔李公擇陳令舉楊元素會于吳興時子野作六客詞其卒章盡道賢人聚吳分試問也應旁有老人星凡十五年再過吳興而五人者皆已亡矣時張仲謀與曹子方劉景文蘇伯固張秉道為坐客仲謀請作後六客詞云

重陽

東坡

與客携壺上翠微江涵秋影鴈初飛塵世難逢開口
笑年少菊花須插滿頭歸 酩酊但酬佳節了雲嶠
登臨不用怨斜暉古往今來誰不老多少牛山何必
更沾衣

金蕉葉

夜宴

柳耆卿

厭厭夜飲平陽第添銀燭旋呼佳麗巧笑難禁艷歌
無間聲相繼準擬幕天席地 金蕉葉泛金波霽未
更闌已盡狂醉就中有箇風流暗向燈光底惱徧兩
行珠翠

明月逐人來

李持正

改齋謾錄

星河明淡春來深淺紅蓮正滿城開遍禁街行樂暗
塵香拂面皓月隨人近遠 天半鰲山光動鳳樓兩
觀東風靜珠簾不捲玉輦待歸雲外聞絃管認得宮
花影轉

李太師所撰譜

漁家傲

晏同叔

畫鼓聲中昏又曉
時光只解催人老
求得淺懽風日好
齊揭調神仙一曲漁家傲
綠水悠悠天杳杳
浮生豈得長年少
莫惜醉來開口笑
須信道人間萬事何時了

秋思

范希文

塞下秋來風景異
衡陽鴈去無音意
四面邊聲連角起
千嶂裏長烟落日孤城閉
濁酒一盃家萬里
燕然未勒歸無計
羌管悠悠霜滿地
人不寐將軍白髮征夫淚

冬景

六一

十月小春梅蕊綻
紅爐暖閣新粧遍
錦帳美人貪睡
煖羞起懶玉壺一夜冰漸滿
樓上四垂簾不捲
天寒山色偏宜遠
風急鴈行吹字斷
紅日晚江天雪意雲撩亂

春景

王介甫

平岸小橋千嶂抱
揉籃一水紫花草茅屋數間牕窈窕
寒塵不到時時自有春風掃
午枕覺來聞語鳥歌眠
侶聽朝鷄早
忽憶故人今總老
貪夢好茫茫忘了邯鄲道

漁父

謝無逸

秋水無痕清見底
蓼花汀上西風起
一葉小舟煙霧裏
蘭棹艤柳條帶雨穿雙鯉
自嘆直釣無處使
笛聲吹散雲山翠
鱸落霜刀紅樓細
新酒美醉來獨枕
簑衣睡

王采

日月無根天不老
浮生揔被消磨了
陌上紅塵常擾擾
昏復曉一場大夢誰能覺
洛水東流山四遠
路傍幾箇新華表
見說身在官職好
爭信道冷煙寒雨
埋荒草

杜安世

疎雨才收淡泞天
微雲綻處月嬋娟
寒鴈一聲人正遠
添幽怨那堪往事思量徧
誰道綢繆兩意堅
水萍風絮不相緣
舞鑑寫腸虛寸斷
芳容變好將憔悴
教伊見

春恨

周美成

幾日輕陰寒惻惻
東風急處花成積
醉踏陽春懷故國
歸未得黃鸝久住如相識
賴有蛾眉能暖客
長歌屢勸金盃側
歌罷月痕來照席
貪歡適簾前重露
成涓滴

漁父

張仲宗
鶴林

釣笠披雲青嶂繞綠簑雨細春江渺白鳥飛來風滿
棹收綸了漁童拍手樵青笑 明月太虛同一照浮
家泛宅忘昏曉醉眼冷看城市鬧煙波老誰能認得
閑煩惱

茗溪

樓外天寒山欲暮溪邊雪後藏雲樹小艇風斜沙嘴
露流年度春光已向梅梢住 短夢今宵還到否葦
村四望知何處客裏從來無意緒催歸去故園正要
鶯花主

憶營妓周子文

陳襲善
西

鷺嶺峯前欄獨倚愁眉蹙損愁腸碎紅粉佳人傷別
袂情何已登山臨水年年是 常記同來今獨至孤
舟晚颺湖光裏衰草斜陽無限意誰與寄西湖水是
相思淚

丁羲叟

十里寒塘初過雨采蓮舟上誰家女秋水接雲迷遠
樹天光暮船頭忘了回來路 却繫蘭舟深處住歌
聲驚散鴛鴦侶波上清風花上霧無計去月明腸斷
雙棲去

為愛蓮房都一柄雙苞雙蓋雙紅影雨勢斷來風色
定秋水淨仙郎彩女臨鸞鏡 妾有容華君不省花
無恩愛猶相並花却有情人薄行心耿耿因花又染
相思病

穎上陶生

近日門前溪水漲即船幾度偷相訪船小難開紅斗
帳無計向合歡影裏空惆悵 願妾身為紅菡萏年
年生在秋江上更願即為花底浪無隔障隨風逐雨
長來往

周紫芝

遇坎乘流隨分了雖虫得失能多少兒輩雌黃堪一
笑堪一笑鶴長鳧短從他道 幾度秋風吹夢到花
姑溪玉人空老喚取扁舟歸去好歸去好孤蓬一枕
秋江曉

侯彥周

過盡百花芳草滿柳絲舞困闌干煖柳外秋千裙影
亂人逐伴舊家心性如今懶 斗帳寶香凝不散黃
昏院落鶯聲晚紅葉不來音信斷踈酒盞東陽瘦損
無人管

贈鼎州官妓

李知幾

西去征鴻東去水幾重別恨千山裏
裏繞綠窓書半紙何處是桃花溪畔人
千里瘦玉倚香愁黛翠勸人須要人
先醉問道明朝行也未猶自記燈前背
立偷垂淚

段克己

龍尾溝邊飛柳絮虎頭山下花無數
花底醉眠留杖屨花上露隨風散漫飄
香霧老去逢春能幾度不妨且作風流
主明日不知風共雨回首處夕陽又下
西山去

二

春去春來誰是主怨他昨夜江頭雨
把酒問春春不語頭懶舉亂紅飛過秋
千去芳草澹煙江上路鷓鴣聲裡斜陽
暮風外榆錢無意緒空自舞如何買得
青春住

和門人祝壽

蘇子由

栞城遺言

七十餘年真一夢朝來壽筭兒孫奉
憂患已空無復痛心不動此間自有千
鈞重蚤歲文章供世用中年禪味疑天
縱石塔成時無一縫誰與共人間天上
隨他送

漁翁

張功甫

拂拂春風生草際
新晴萬景供遊戲
鷗鷺飛來斜照裏
金和翠分明畫出真山水
遮箇漁翁無愠喜
乾坤頓在孤篷底
一曲高歌千古意
閑來睡從教月到花汀外

春思

譚在庵

深意纏綿歌宛轉
橫波停恨燈前見
最憶來時門半掩
春不暖梨花落盡成秋苑
疊鼓收聲颺帆影亂
燕飛又起東風軟
目力謾長心力短
消息斷青山一點和煙遠

破陣子

一名拍子

李後主

四十年來家國三千里
地山河鳳閣龍樓連霄漢
玉樹瓊枝作烟蘿
幾曾識干戈
一旦歸為臣虜
沈腰潘鬢銷磨
最是蒼惶醉廟日
教坊獨奏別離歌
垂淚對宮娥

晏同叔

湖上西風斜日荷花落
盡紅英金菊滿叢珠顆細
海燕辭巢翅羽輕
年年歲歲情
美酒一杯新熟
高歌數闋堪聽
不向尊前同一醉
可柰光陰似水聲
迢迢去未停

陸務觀

仕至千鍾良易年過七十常稀眼底榮華元是夢身
後聲名不自知營營端為誰 幸有旗亭沽酒何妨
繭紙題詩幽谷雲蘿朝采藥靜院軒窓夕對棋不歸
真箇癡

卜拍子

趙文鼎

柳絮飛時綠暗荼蘼開後春酴花外青帘迷酒思陌
上晴光收翠嵐佳辰 二月三 解佩人逢遊女踏青
草闌宜男醉倒畫欄 欄檻北夢遶清江江水南飛鷺
與並駢

晏同叔

海上蟠桃易熟人間好月常圓惟有擘釵分鈿侶
別常多會面難此情須問天 蠟燭到明垂淚熏爐
盡日生烟一點淒涼愁絕意謾道秦箏有剩絃何曾
為細傳

攤破南鄉子

一名青杏兒

程正伯

休賦惜春詩留春住說與人知一年已負東風瘦說
愁說恨數期數刻只望歸時 莫恠杜鵑啼真箇也
喚得人歸歸來休恨花開了梁間燕子且教知道人
也雙飛

飲興青杏

趙秉文中州集

風雨替花愁風雨罷花也應休
勸君莫惜花前醉今年花謝
明年花謝明年花謝白了人頭
乘興兩三甌揀溪山好處追遊
但教有酒身無事有花也好無
花也好選甚春秋

蘇軾

范希文

碧雲天黃葉地秋色連波波上
含烟翠山映斜陽天接水芳草
無情更在斜陽外黯鄉魂追旅
意夜夜除非好夢留人睡明月
樓高休獨倚酒入愁腸化作
相思淚唐書宋務光傳比見坊邑相率為深潭脫隊駿馬胡服名曰蘇莫作幕誤

風情

周美成

隴雲沉新月小楊柳梢頭能有
春多少試着羅裳寒尚峭簾捲
青樓占得東風早翠屏深香篆
裊流水落花不管劉郎到三疊
陽關聲漸杳斷雨殘雲只怕
巫山曉

竹坡

水傍邊山盡處喚取雲來共我
山頭住分得一江風共雨蒲院
芙蓉更聽紅粧舞趁霜晴閒獨
步那裏烟村有箇梅花樹小徑
斜穿來又去醉後知他有甚
清雲路

儘思量還耐為甚當時故故相招買早是幽歡多
障礙更遣分飛鷦鷯如天外 有心伶無計柰兩處
厭厭未斷殘恩愛獨上小樓臨暮靄凭暖朱欄此意
無人會

王通叟

閨怨

陶氏

與君別情易許執手相將永遠成鴛侶一去音書千
萬里望斷陽關泪滴如秋雨 到如今成間阻等到
候即來把相思訴看看梅花花不語花已成梅結就
心中苦

周美成

燎沉香消溽暑烏雀呼晴侵曉窺簷語葉上初陽乾
宿雨水面清圓一一風荷舉 故鄉遙何日去家住
吳門久作長安旅五月漁郎相憶否小楫輕舟夢入
芙蓉浦

好女兒

小山

綠遍西池梅子青時儘無端盡日東風惡更霏微細
雨惱人離恨滿路春泥 應是行雲歸路有閑淚洒
相思想旗亭望斷黃昏月又依前誤了紅牋香信翠
袖歡期

酌酒殷勤儘更留春忍無情便賦餘花落待花前細
把一春心事問箇人人莫似花開還謝願芳意且
長新倚嬌紅待得歡期定向水沉烟底金蓮影下睡
過佳辰

促拍醜奴兒

元遺山

朱麝掌中香可憐見初浴蘭湯靈椿未老丹枝秀東
隣西舍排家助喜沽酒牽羊天與讀書即便安排
富貴文章高門自有容車日明年且看青衫竹馬鴈
鴈成行

皇甫季貞陽餅局二女則牙牙學語五男
則鴈鴈成行見司空表聖一鳴集障車文

歲闌

劉須溪

送歲可無詩得團欒忍不開眉不記去年今夕夢江
東懷抱江西信息舍北妻兒五十歲歲炊待五十
富貴成癡百年苦樂乘除看今朝一半明朝一半更
似兒時

壽孟萬戶

鄧中齋

脞起怯春寒海棠花開未開間莫言春色三分二朱
顏綠鬢栽花種竹誰似君閑侯印舊家種早天邊
飛詔催還從君歲歲稱觴處人如玉雪花如錦綉福

壽如山

憐薄命

戴復古妻

惜多才憐薄命無計可留汝揉碎花牋忍寫斷腸句
道傍楊柳依依千絲萬縷抵不住一分愁緒捉月
盟言不是夢中語後回君若重來不相忘處把盃酒
澆奴墳土

輟耕錄云戴復古字式之號石屏天台人未遇時
流寓江右武寧有富家翁愛其才以女妻之居二
三年忽欲作歸計妻問其故告以曾娶妻白之父
久怒妻宛曲解什盡以奩具贈夫仍錢以詞夫既
別遂赴水死

獻衷心

歐陽炯

見好花顏色爭笑東風雙臉上晚粧同閉小樓深閣
春景重重三五夜偏有恨月明中情未已信曾通
蒲衣猶自染檀紅恨不如雙燕飛舞簾櫳春欲暮殘
絮盡柳條空

顧曼

繡鴛鴦帳暖畫孔雀屏歌人悄悄月明時想昔年情
笑恨今日分離銀缸背銅漏永阻佳期小爐烟細
虛閣簾垂幾多心事暗地思惟被嬌娥牽役寃夢如
癡金閨裏山枕上始應知

黃鍾樂

魏承班

池塘烟暖草萋萋，惆悵閒宵含恨愁。坐思堪迷遥想，
玉人情事遠，音容渾似隔桃溪。偏記同歡秋月低，
簾外論心花畔和醉暗相攜。何事春來君不見，夢魂
長在錦江西。

香山會

向神前發願燒香做呪，斷了去娼家吃酒果子錢。早
是遭他毒手，更一箇瓶兒滲漏。才斟兩盞三盞，早
斟不勾，又添和薄滴半斗。奴哥有我，奴哥道有有我，
時當面盪酒。

醉春風

趙德仁

陌上清明近，行人難借問。風流何處不歸來，悶悶悶
回鴈峯前，戲魚波上，試尋芳信。夜永蘭膏燼，春睡
何曾穩。枕邊珠淚幾時乾，恨恨恨，惟有窓前過來，明
月照人方寸。

趙元鎮

寶鑑菱花瑩，孤鶯慵照影。魚書蝶夢兩消沉，恨恨恨
結盡丁香瘦，如楊柳雨，踈雲冷。宿醉厭厭病，羅巾
空淚粉，欲將遠意托湘絃。悶悶悶，香絮悠悠，畫簾悄
悄，日長春困。

綏山月

雨夕

梁寅

急雨響巖阿陰雲暗辟蘿山中春去更寒多縱柴門
不閉花滿逕蒼苔澗少人過蘭舟曾記蘭汀宿牽
恨是烟波而今林下和樵歌看風風雨雨從造物時
時變揔心和

侍香金童

寶臺蒙繡瑞獸高三尺玉殿無風煙自直迤邐傍懷
盈綺席冉冉菲菲斷處凝碧是龍涎鳳髓惱人情
意極想韓壽風流應暗識去似彩雲無處覓惟有多
情袖中留得

鈿帶長中腔

萬俟雅言

簇真香似風前拆麝囊嫩紫輕紅間闔異芳風流富
貴自覺蘭蕙荒獨占盞珠春光繡結流蘇密緻鬼
夢悠颺氣融液散滿洞房朝寒料峭帶嬌不易當着
意要得韓郎

芭蕉雨

程正伯

雨過涼生藕葉晚庭消盡暑渾無熱枕簟不勝香滑
爭柰寶帳情生金樽意愜王人何處夢蝶思一見
冰雪須寫箇帖兒丁說試問道肯來麼今夜小院無
人重接有月

喝火令

黃魯直

見晚情如舊交疏分已深舞時歌處動人心烟水數
年覓夢無處可追尋昨夜燈前見重題漢上襟便
愁雲雨又難尋曉也星稀曉也月西沉曉也鴈行低
度不會寄芳音

淡黃柳

姜堯章

白石詞

空城畫角吹入垂陽陌馬上單衣寒側側看盡鵝黃
嫩綠都是江南舊相識正岑寂明朝又寒食強携
酒小橋宅怕梨花落盡成秋死燕燕飛來問春何在
惟有池塘自碧

八厭金盃

賀方回

風軟香遲花深漏短可憐宵畫堂春半碧紗窓影卷
帳蠟燭紅鴛枕畔密寫烏絲一段採蘋溪晚拾翠
沙空儘愁倚夢雲飛觀木蘭艇子幾日渡江來心目
斷桃葉青山隔岸

行香子

張子野

舞雪歌雲閑淡粧勻藍溪水深染輕裙酒香醺臉粉
色生春更巧談話美情性好精神江空無畔凌波
何處月橋邊青柳朱門斷鍾殘角又送黃昏柰心中
事眼中淚意中人

晏叔原

晚綠寒紅芳意匆匆惜年華今與誰同碧雲零落數
字征鴻看沼蓮凋宮扇舊怨秋風 流波墜葉佳期
何在想天教離恨無窮試將前事閑倚梧桐有銷魂
處明月夜粉屏空

與泗守過南山晚歸

東坡

北望平川野水荒灣共尋春飛步孱顏和風弄袖香
霧縈鬟正酒半酣人語笑白雲間 飛鴻落照相將
歸去澹涓涓玉宇清閑何人無事宴坐空山望長槁
上燈火亂使君還

杜壽域

黃金葉細碧玉枝纖初暖日當乍晴天向武昌溪畔
於彭澤門前陶潛影張緒態兩相牽 數株堤面幾
樹橋邊嫩垂條絮蕩輕綿繫長江舴艋拂深院秋千
寒食下半和雨半和煙

趙介之

春日遲遲春景熙熙漸郊原芳草萋萋天桃灼灼楊
柳依依見燕喃喃蜂簇簇蝶飛飛 閑庭寂寂曲沼
漪漪更秋千紅索垂垂遊人隊隊樂意嬉嬉盡醉曛
曛歌緩緩語低低

紅了櫻桃綠了芭蕉送春歸客尚蓬飄昨宵穀水今夜蘭皋柰何雲溶溶風淡淡雨瀟瀟銀字笙調心字香燒料芳踪乍整還凋待將春恨都付春潮過窈娘堤秋娘渡泰娘橋

蔣捷

洪叔璵

楚楚精神楊柳腰身是風流天上飛瓊凌波微步羅襪生塵有許多嬌許多韻許多情十年心事兩字眉婚問何時真箇行雲秋衾半冷窓月窺人想為人愁為人瘦為人顰

葛魯卿

風物颼颼木落滄洲漸老人不柰悲秋羈懷都在鬢上眉頭似休文瘦文通恨子山愁庭梧影薄籬菊香浮強招尋聊命朋儔窮通皆夢今古如流且淵明徑子猷舫仲宣樓

雅詞

天與秋光轉轉情傷探金英知近重陽薄衣初試綠蟻新嘗漸一番風一番雨一番涼黃昏院落恹恹惶惶酒醒時往事愁腸那堪永夜明月空床聞砧聲搗蛩聲細漏聲長

羅浮

蒲洞苔錢買斷風煙笑桃花日落晴川石樓高處夜
夜啼猿看一更雲三更月四更天細草如氈獨枕
空拳與山糜野鹿同眠殘霞未散淡霧沉綿是晉時
人唐時洞漢時仙

晁次膺

別恨綿綿屈指三年再相逢情分依然君初霜鬢我
已華顛况其間有多少恨不堪言小庭幽檻菊蕊
爛班近清宵月已嬋娟莫思身外且闌樽前願花長
好身長健月長圓

山水扇面

劉改之

佛寺雲邊茅舍山前樹陰中酒旆低懸峯巒空翠溪
水青連只欠梅花欠沙鳥欠漁船無限風烟景趣
天然最宜他隱者盤旋何人村墅若箇林泉恰似歆
湖似枋口似斜川

元遺山

漫漫晴池澹澹雲羅傍青山是處經過桃花解笑揚
柳能歌儘百年身千古意兩蹉跎酒惡無聊詩苦
成魔只閑情不易消磨幾人樵徑何處山阿恨夕陽
遲芳草遠落紅多

淨掃塵埃惜取蒼苔任門前紅葉鋪階也堪圖畫還
也竒哉有數株樹數竿竹數枝梅 花木栽培取次
教開明朝事天自安排知他富貴幾時來且優游且
隨分且寬懷

張天師

東坡

清夜無塵月色如銀酒斟時須滿十分浮名浮利休
苦勞神歎隙中駒石中火夢中身 雖抱文章開口
誰親且陶陶樂盡天真不如歸去作箇閑人對一
琴一壺酒一溪雲

二別
意

携手江村梅雪飄裙情何限處處銷魂故人不見舊
曲重聞向堦湖樓孤山寺湧金門 尋常行處題詩
千首綉羅衫與拂紅塵別來相憶知是何人有湖中
月江邊柳隴頭雲

三
七里
類

一葉舟輕雙槳鴻鷺水天清影湛波平魚翻藻鑑鷺
點煙汀過沙溪急霜溪冷月溪明 重重似画曲曲
如屏笑當年虛老嚴陵君臣一夢今古虛名但遠山
長雲山亂曉山青

三入承明四至九卿問儒生何辱何榮金張七葉純
綺貂纓無汗馬事不獻賦不明經 成都卜肆寂寞
君平鄭子貞巖谷躬耕寒灰炙手人重人輕除笠乾
學得無念得無名

隱興

趙元

鏡裡流年綠變華顛謝西山青眼依然人生安用利
鎖名纏似燕營巢蜂課蜜蟻爭羶 詞苑群仙場屋
諸賢看文章大筆如椽閑人書冊且枕頭眠有洗心
經傳燈錄坐忘篇

容齋隨筆

清要無因舉選艱辛繫書錢須要十分浮名浮利虛
苦勞神歎旅中愁心中悶部中身 雖抱文章苦苦
推尋更休說誰假誰真不如歸去作箇齊民免一回
來一回討一回論

紹興初范覺民為相以自崇寧以來創立法度例
有汎賞建議討論又行下吏部參酌追奪有爭奪
十五官者雖公論當然而失職者胥動造謗浮議
蜂起無名子因改坡語云云至大字書寫貼於內
前牆上選者得之以聞朝論慮或搖人心
罷討論之舉范公用是為臺諫所攻

李易安

草際鳴蛩驚落梧桐正人間天上愁濃雲堦月色闌

鎖千里縱浮槎來浮槎去不相逢 星橋鶴駕經年
緣見想離情別恨難窮牽牛織女莫是離中甚一霎
兒晴一霎兒雨一霎兒風

書舍偶成

段成已

自嘆勞生在經營到而今一事無成不如聞早覓
箇歸程向渭川漁東市卜富春耕 眼底浮榮身外
虛名儘輸他時輩崢嶸得偷閑處且適閑情有坐忘
篇傳燈錄洗心經

贈柳兒行

劉叔安

露葉煙條天與多嬌笑風流張緒難消惱人春思政

雲鎖綠窓深怕對人間枕剩衾 樓底輕陰春信斷
怯登臨斷腸魂夢兩沉沉花飛水遠便從今莫追尋
又怎奈暮地上心

錦纏道

宋子京

燕子呢喃景色乍長春畫觀園林萬花如繡海棠經
雨胭脂透柳展宮眉翠拂行人首 向郊原踏青恣
歌攜手醉醺醺尚尋芳酒問牧童遙指孤村道杏花
深處那裏人家有

解佩令

晏叔原

玉階秋感年華暗去掩深宮團扇無緒記得當時白

剪下機中輕素點丹青畫成秦女涼襟猶在朱絃
未改忍霜熱飄零何處自古悲涼是情事輕如雲雨
荷么絃恨長難訴

春

蔣捷

春晴也好春陰也好着些兒春雨越好春雨如絲綉
出花枝紅裊怎禁他孟婆合皂梅花風小杏花風
小海棠風暮的寒悄歲歲春光被二十四風吹老棟
花風爾且慢到

品令

蘇

黃魯直

鳳舞團團餅恨分破教孤令金渠體淨隻輪慢碾王

塵光瑩湯響松風早減了二分酒病味濃香永醉
鄉路成佳境恰如燈下故人萬里歸來對影口不能
言心下快活自省

李易安

魯公

零落殘紅似臙脂顏色一年春事柳飛輕絮笋添新
竹寂寞函對小園嫩綠登臨未足悵遊子歸期促
他年夢魂千里猶到城陰溪曲應有凌波時為故人
凝目

急雨驚秋曉今歲較秋風早一觴一詠更須莫負晚

風殘照可惜蓮花已謝蓮房尚小
汀蘋岸草怎稱
得人情好有此言語也待醉折荷花向道道與荷花
人比去年揔老

看花回

懷

柳耆卿

屈指勞生百歲期榮瘁相隨利牽名惹逡巡過奈兩
輪王走金飛紅顏成白首極品何為
塵事常多雅
會稀忍不開眉畫堂歌館深深處難忘酒殘花枝醉
鄉風景好携手同歸

二

玉城金堦舞舜干朝野多懽九衢三市風光麗
萬

家急管繁絃鳳樓臨綺陌佳氣非烟
雅俗熙熙物
態妍忍負芳年笑筵歌席連昏晝任旗亭斗酒十千
賞心何處好惟有尊前

如意令

壽新恩人六月二十二

東軒

炎暑尚餘八日火老金柔時節聞道生賢儲秀降
神崧極無敵無敵當代人倫準的
射策當為第一
高躍龍門三級榮着綠袍新帝渥必加寵錫良弼良
弼真箇國家柱石

壽王學老

八月二十

梅亭

久羨麗眉鶴髮聞望孔堂烜赫信得彭喬仙祕授長

生真訣奇特奇特呂望師周時節
總過中秋六日
對此稱觴欣懌雙鳳戲菜衣金縷輕調鶯舌難得難
得九九美猶千百

風中柳

孫夫人

銷減芳容端的為即煩惱鬢慵梳宮粧草草別離情
緒待歸來都告怕傷即又還休道利鎖名韉幾阻
當年歡笑更那堪鱗鴻信杳蟾枝高折願從今須早
莫辜負鳳帟人老

酷相思

程正伯

月掛霜林寒欲墜正門外催人起柰別離如今真箇

是欲住也留無計欲去也來無計
馬上離魂衣上
淚各自箇供憔悴問江路梅花開也未春到也須頻
寄人到也須頻寄

垂絲釣

楊補之

燕將舊侶呢喃終日相語似惜別離情知幾許誰與
度為向人代訴空朝暮
謾千言百句怎生會得爭
如作箇青羽又聞院宇不在當時住飛去無尋處腸
萬縷寄暴風橫雨

周美成

縷金翠羽粧成纔見眉嫵倦倚綉簾看舞風絮愁幾

許寄鳳絲鴈柱春將暮
向層城苑路鈿車似水時
時花徑相遇舊遊伴侶還到曾來處
門掩風和雨梁間燕語問那人在否

賣花聲

黃子常

人過天街曉色擔頭紅紫滿筠筐
浮花浪盡畫樓睡醒正眼橫
秋水聽新腔一回催起
吟紅叫白報得蜂兒知
未隔東西餘音軟
羨迎門爭買早斜簪雲髻
助春嬌粉香簾低

謝池春

隱居

陸放翁

賀監湖邊初繫放翁歸棹
小園林時時醉倒春眠驚
起聽啼鶯催曉嘆功名誤人堪笑
朱橋翠徑不許京塵飛到
掛朝衣東歸欠早連宵風雨
卷殘紅如掃恨尊前送春人老

二

壯歲從戎曾是氣吞殘虜
陣雲高狼烽夜舉朱顏青
鬢擁雕戈西戍笑儒冠自來多誤
功名夢斷却泛扁舟吳楚
漫悲歌傷懷吊古煙波無際
望秦關何處嘆流年又成虛度

感皇恩

憶舊

王通叟

野馬踏紅塵長安重到人面依前似花好
舊歡才展

又被新愁分了未成雲雨夢巫山曉
千里斷魂關
山古道回首高城似天杳滿懷離恨付與落花啼鳥
故人何處也青春老

雅詞作
趙循道

晁叔用

蝴蝶滿西園啼鶯無數水閣橋南路凝佇兩行烟柳
吹落一池風絮秋千斜掛起人何處把酒勸君開
愁莫訴留取笙歌任休去幾多春色怎禁許多風雨
海棠花謝也君知否

旅思

陸敦信

殘角兩三聲催登古道遠水長山又重到水聲山色
看盡輪蹄昏曉風頭日脚下人空老
匹馬舊時西
征談笑綠鬢朱顏正年少旗亭斗酒任是十千傾倒
而今酒興減詩情少

周美成

露柳好風標嬌鶯能語獨占春光最多處淺嚔輕笑
未肯等閑分付為誰心子裏長長苦
洞房見說雲
深無路憑仗青鸞道情素酒空歌斷又被江濤催度
怎柰何言不盡愁無數

重到臨安作

魯純甫

依舊惜春心花枝常好只恐尊前被花笑少年青鬢

耐得幾番重到舊歡慵記省如天杳
綺陌青門斜陽芳草今古銷沉送人老
高城春事又道等閑來了亂紅隨過雨
鶯聲悄

村居

茗溪漁隱

乞得夢中身歸棲雲水始覺精神自家底
峭帆輕棹時與白甌遊戲畏途都不管風波起
光景如梭人生浮華百歲何妨盡沉醉
卧龍多事謾說三分奇計笑來爭似我長昏睡

葛郊

花似鏡中人不堪衰老空羨青青岸邊草
多情銷瘦更被無情相惱近來無限事憑誰道
蝴蝶滿園叢邊空遶睡起流鶯過語聲小
瑣窓危坐更被玉蟾相照夜闌梅影瘦憑誰掃

壽趙路公八十

劉鎮壽親養老

八十最風流那誰不喜况是精神可人意
太公當日未必榮華如此兕孫列兩行萊衣戲
好景良辰滿堂和氣唱箇新詞管教美願同
彭祖尚有八百來歲十分才一分那裏暨
那裏暨用康伯可同

三奠子

同國器帥良佑仲澤置酒南陽故城

元遺山

上高城置酒筵望春陵興與廢兩虛名
江山埋王氣

草木動威靈中原虎千年後儘人爭
風雲寤寐鞍馬生平鍾鼎上幾書生
軍門高密策田畝卧龍耕南陽道
西山色古今情

離南陽後作

前人

悵韶華流轉無計留連行樂地
一悽然笙歌寒食後桃李惡風前
連環玉回文錦兩纏綿芳塵未遠
幽意誰傳千古恨再生緣閑衾香
易冷孤枕夢難圓西窓雨南樓月
夜如年

劉秉忠

念行藏有命烟水無涯嗟去鴈
羨歸鴉半生身累影

一事髮成華東山客西蜀道且還家
壺中日月洞裏煙霞春不老景長
佳功名眉上鎖富貴眼前花三

盃酒一覺睡一甌茶

見庶菴老學叢談

留襄州

高仲常

翰

上楚山高處回望襄州興廢事古今
愁草封諸葛廟煙鎖仲宣樓英雄
骨繁華夢幾荒丘鴈橫別浦鷗戲
芳洲花又老水空流着人何處在
倦客若為留習池飲罷陂釣鹿門遊

青玉案

春日懷舊

永叔

一年春事都來幾早過了三之二
綠暗紅嫣渾可事

綠楊庭院暖風簾，
有箇人憔悴。買花載酒長安市，
又爭似家山見桃存。不在東風吹客淚，
相思難表。夢魂無據，惟有歸來是。

詠雪

陳瑩中

碧空黯淡同雲繞，
漸枕上風聲峭。明透紗窗天欲曉，
珠簾總捲，美人驚報。一夜青山老。
使君命客金尊倒。正千里瓊瑤，
未經掃。歎壓江梅春信早，
十分農事。滿城和氣，管取來年好。

賀方回

凌波不過橫塘路，
但目送芳塵去。錦瑟華筵誰與度。

月樓仙館，綺窓朱戶，
惟有春知處。碧雲冉冉蘄皋暮，
暮綵筆空題斷腸句。
試問閑愁知幾許，
一川烟草，滿城風絮，
梅子黃時雨。

中吳紀聞云：罇有小築在姑蘇盤門之內，十餘里地名橫塘。方回往來其間，作此詞。後山谷有詩云：「泝道江南腸斷句，只今惟有賀方回。其為前輩推重如此。」

警悟

吳彥高

人生南北如歧路，
世事悠悠等風絮。造化小兒無定據，
攙翻來覆去，倒橫直豎，眼見都如許。
伊周功業何須慕，
不學淵明便歸去。坎止流行隨所寓，
玉堂金馬，竹籬茅舍，總是無心處。

旅情

曹元寵

團園有計歸須早在家縱貧亦好南去北來何日了
光陰送盡可憐青鬢暗逐流年老
寂寥孤館殘燈照正鄉思驚時夢初覺落月蒼蒼關河曉一聲鷄唱
馬嘶人起又上長安道

毛澤民

今宵月好來同看月未落人還散把手留連簾兒畔
含羞和恨轉嬌盼任花映春風面
相思不用寬金釧也不用多情似玉燕問取嬋娟學長遠不必清光
夜夜見但莫負團圓願

史邦卿

蕙花老盡離騷句綠染遍江頭樹日午酒消聽驟雨
青榆錢小碧苔錢古難買東君住
宮河不礙遺鞭路被芳草將愁去多定紅樓簾影暮蘭燈初上夜香
初炷猶自聽鸚鵡

社日

無名氏

年年社日停針線怎忍見雙飛燕今日江城春已半
一身猶在亂山深處寂寞溪橋畔
春山著破誰針線點點行行淚痕滿落日解鞍芳草岸花無人載酒
無人勸醉也無人管

送弟山谷謫宜州

黃元明

改齋
謾錄

千峯百嶂宜州路天黯淡知人去曉別吾家黃叔度
弟兄華髮暮山修水異日同歸處長亭飲散尊壘
暮聽別語不成句已斷離腸能幾許水村山郭夜闌
無寐聽盡空階雨

赴宜州和兄元明韻

山谷

煙中一線來時路極目送幽人去第四陽關雲不度
山胡聲轉子規言語正是人愁處別恨朝朝連暮
暮憶我當年醉時句渡水穿雲心已許晚年光景小
軒南浦簾捲西山雨

和

洪覺範

綠陰煙柳長亭路恨取次分離去日永如年愁難度
高城回首暮雲遮盡目斷人何處解鞍旅舍天將
暮暗憶丁寧千萬句一寸老腸情幾許薄衾孤枕夢
回人靜徹曉瀟瀟雨

姚進道

相江
詩話

三年枕上吳中路遣黃耳隨君去若到松江呼小渡
莫驚鷗鷺四橋盡是老子經行處輞川圖上看春
暮長記高人右丞句作箇歸期天已許春衣猶是小
蠻針線曾濕西湖雨

元遺山

落紅吹滿沙頭路似總被春將去
落花開春幾度
多情惟有畫梁雙燕知道春歸處
鏡中冉冉韶華
暮欲寫出懷恨無句九十花期能幾許
一卮芳酒一襟清淚寂寞紗窓雨

送別

李易安

征鞍不見邯鄲路莫便匆匆歸去
秋風蕭條何以度
明窓小酌暗燈清話最好番連處
相逢各自傷遲
暮猶把新詞誦奇句
鹽絮家風人所許
如今憔悴但餘雙淚一似黃梅雨

新涼

毛澤民

芙蓉花上濛濛雨又冷落池塘暮
何處風來搖碧戶
捲簾凝望淡烟疎柳翡翠穿花去
玉京人去無由
駐忍獨在憑欄處
試問綠窓秋到否
可人今夜新涼一枕無計相分付

鳳凰閣

傷春

葉道卿

遍園林綠暗渾如翠幄下無一片是花萼
可恨狂風橫雨忒煞情薄
盡底把韶華送却
楊花無柰是處穿簾透
幙豈知人意正蕭索
春去也這般愁沒處安着
怎柰向黃昏院落

匆匆相見懊惱恩情太薄霎時雲雨人拋却教我行
思坐想肌膚如削恨只恨相違舊約相思成病那
更瀟瀟雨落斷腸人在闌干角山遠水遠人遠音信
難托這滋味黃昏又惡

柳耆卿

天機

撒金錢

袁陶

宣和遺事

頻瞻禮喜昇平又逢元宵佳致鰲山高聳翠對端門
珠璣交製似嫦娥降仙宮乍臨凡世恩露勻施憑
御欄聖顏垂視撒金錢亂拋墜萬姓推搶沒理會告
官裡這失儀且與免罪

天仙子

張子野

水調數聲持酒聽午醉醒來愁未醒送春春去幾時
回臨晚鏡傷流景往事後期空記省沙上並禽池
上暝雲破月來花弄影重重翠幙密遮燈風不定人
初靜明日落紅應滿徑

二

別渝州

醉笑相逢能幾度為報江頭春且住主人今日是行
人紅袖舞青歌女憑仗東風交點取三月柳枝柔
似縷落絮倦飛還戀樹有情寧不憶西園鶯解語花
無數應訝使君何處去

水閣

沈會宗

景物因人成勝槩
滿目更無塵可礙
等閑簾幙小闌干
衣未解心先快
明月清風如有待
誰信門前車馬隘
別是人間閑世界
坐中無物不清涼
山一帶水一派
流水白雲長自在

趙德麟

宿雨洗空臺榭瑩
下盡珠簾寒未定
花開花落幾番晴
春欲竟愁未醒
池面杏花紅透影
一紙短書言不盡
明月清風還記省
玉樓香斷又添香
閑展興臨好景
心似亂萍何處整

代人送希文

呂聖求

樓下轆轤橫露井
樓上嬋娟開曉鏡
下樓難忘上樓時
風未定帆不正
蕪蕪玳珠揮塵柄
眉上新愁吹不醒
別酒未斟歌未忍
雪中梅下定重來
烟暝暝腸寸寸
莫放笛聲吹落盡

壽陳倅

八月十五

平齋翰

風月分將秋一半
昨夜月明今夜滿
有人笙鶴御風來
玉繩轉銀河淡涼入天
孫雲錦段笑撚桂枝香
婉婉十字金書光照眼
看看細札促歸來
漏聲緩珂聲遠夜宿玉堂誰是伴

初赴省於廓外別寵姬

劉改之夷堅志

別酒醺醺渾易醉
回過頭來三十里
馬兒不住去如
飛騎一會行一會
斷送殺人山共水
是則青衫終
可喜不道恩情拋
得未雪迷前路
小橋橫住底是去
底是煩惱自家煩惱你

夜中侑酒

琴精夷堅志

別來未斟心先醉
忍聽陽關辭故里
揚鞭勒馬到皂
都三題盡當際
會穩跳龍門三汲水
天意令吾先
送喜不審君侯知
得未蔡邕博識夔
桐聲君背負只
此是酒滿金盃來勸你

劉改之別妾賦詞每令小僕歌之到建昌麻姑山暮夜思想之極至于墮淚二更後一笑人忽來前執拍板歌以侑酒云云改之問蔡邕背負之句曰我麻姑妹也謫居此山因携行劉擢第授荆門教授歸過臨江遇術者知為琴精云

兩同心

晏叔原

楚鄉春晚似入仙源
拾翠處閑隨流水
踏青路暗惹芳塵
心心在柳外青帘花下朱門
對景且醉芳樽
莫話銷魂好意思
曾同明月惡滋味
最是黃昏相思處
一紙紅牋無限啼痕

柳耆卿

竚立東風斷魂南國
花光媚春醉瓊樓
蟾彩迥夜遊

香陌憶當時酒戀花迷役損詞客 別有眼長腰搨
痛憐深惜鴛衾冷夕雨淒飛錦書斷暮雲凝碧想別
來好景良時也應相憶

山谷

秋水遙岑粧淡情深儘道教心堅穿石更說甚官不
容針霎時間雨散雲歸無處追尋 小樓朱閣沉沉
一笑千金你共人女邊着子爭知我門裏挑心最難
忘小院回廊月影花陰

楊無咎

秋水明眸翠螺堆髮却扇坐着落庭花凌波步塵生
羅襪芳心發分付春風恰當時節 漸解愁花怨月
忒貪嬌劣寧寧地情態於人惺惺處語言低說相思
切不見須臾可堪離別

客中憶

守歲

薛泳

沂叔深雪偶歲

一盤消夜江南果喫果看書只清坐罪過梅花料理
我一年心事半生牢落盡向今宵過 此身本是山
中箇纔出山來便希差手種青松應是大縛茅深處
抱琴歸去又是明年話

帶人嬌

上壽

晏同叔

玉樹微涼漸覺銀河影轉林葉靜疎紅欲徧朱簾細

雨尚遲留歸燕喜慶日多少世人良願
楚竹驚鴛
秦箏起鴈縈舞袖急翻羅薦雲迴一曲更輕櫓檀板
香炷遠同祝壽期無限

二

二月春風正是楊花滿路那堪更別離情緒羅巾掩
淚任粉痕霑汗爭柰向千留萬留不住
王酒頻傾
宿眉愁聚空腸斷寶箏絃柱人間後會又不知何處
魂夢裏也須時時飛去

失婢

王庭珪

小院桃花烟鎖幾重珠箔更深後海棠睡着東風吹

去落誰家墻角平白地教人為他情惡
花若有情
應不薄也須悔從前事錯而今夜雨念王顏飄泊知
那裡人家怎生頓着

張彥實

深院海棠誰倩春工染就映窓戶爛如錦繡東君何
意便風狂雨驟堪恨處一枝未曾到手
今日乍晴
忽忽命酒猶及見胭脂半透殘紅幾點明朝知在否
問何似去年看花時候

毛澤民

雪做屏風花為行帳屏帳裡見春模樣小晴未了輕

陰一餉酒到處恰如把春拈上
宮柳黃輕河堤綠
漲花多處少停蘭漿雪邊花際平
蕪疊嶂這一段淒涼為誰悵望

後亭梅開有感

李易安

玉瘦香濃檀深雪散今年恨探梅又晚
江樓楚館雲閑水遠清晝永凭欄翠簾低卷
坐上客來樽前酒滿歌聲共水流雲斷南枝可插更須頻剪莫直待西樓數聲羌管

江城子

一名江神子

馮延巳

曲闌干外小中庭雨初晴早鶯聲飛絮落花時節近

清明睡覺起來勻面了無箇事沒心情
碧羅衫子鬱金裙好精神小腰身每到花時常是不宜春早是自家無氣力更被你惡憐人

東坡

天涯流落思無窮既相逢却匆匆
携手佳人和淚折殘紅為問東君餘幾許
春總在與誰同隋堤三月水溶溶
背歸鴻去吳中回望彭城清泗與淮通
寄我相思千點淚流不到楚江東

山谷

畫堂高會酒闌珊倚闌干霎時間千里
関山常恨見

伊難及至而今相見了依舊似隔關山
倩人傳語問平安省愁煩淚休彈哭損眼兒不似舊時單尋得
石榴雙葉子憑寄與插雲鬟

秦少游

西城楊柳弄春柔動離憂淚難收猶記多情曾為繫
歸舟碧野朱橋當日事人不見水空流韶華不為
少年留恨悠悠幾時休飛絮落花時候一登樓便做
春江都是淚流不盡許多愁

二

南來飛燕北歸鴻偶相逢慘愁容綠鬢朱顏重見兩
衰翁別後悠悠君莫問無限事不言中
小槽春酒滴珠紅莫忽忽滿金鍾飲散落
花流水各西東後會不知何處是煙浪遠暮雲重

三

棗花金釧約柔荑昔曾携事難期咫尺玉顏和淚鎖
金閨恰似小園桃與李雖同處不同枝
玉笙初度顫鴛篔落花飛為誰吹月冷風高此恨只天知任是
行人無定處重相見是何時

賀方回

麝薰微度繡芙蓉翠衾重畫堂空前夜偷期相見却

念念心事兩知何處問依約是夢中逢
坐疑行聽竹窓風出簷櫳杳無縱已過黃昏才動寺樓鍾暮雨
不來春又去花滿地月朦朧

葉少蘊

西清詩話

銀濤無際捲蓬瀛落霞明暮雲平曾見青鸞紫鳳下
層城二十五絃彈不盡空感慨有餘情
蒼梧煙水斷歸程捲霓旌為誰迎空有千行流淚寄幽貞舞罷
魚龍雲海晚千古恨入江聲

集句

晁無咎

雙鴛池沼水融融桂堂東又春風今日看花花勝去

年紅把酒問花花不語攜手處遍芳叢
留春且住莫怱怱秉金籠夜寒濃沉醉插花走馬月明中待得
醒時君不見不隨水即隨風

竹坡

夕陽低盡柳如烟淡平川漸暘天今夜十分霜月更
娟娟怎得人如天上月雖暫缺有時圓
斷雲飛雨又經年思凄然淚涓涓且做如今要見也無緣因甚
江頭來處鴈飛不到小樓邊

謝無逸

杏花村館酒旗風水溶溶颺殘紅野渡舟橫楊柳綠

陰濃望斷江南山色遠人
不見草連空 夕陽樓外
晚烟籠粉香融淡眉峯
記得年時相見畫屏中
只有 關山今夜月千里
外素光同

二

一江秋水碧灣灣繞青山
玉連環簾幕低垂人在畫
屏間閑抱琵琶尋舊曲
彈未了意闌珊 飛鴻數點
拂雲端倚闌看楚天寒
擬倩西風吹夢到長安
恰似 梨花春帶雨愁滿
眼淚闌干

譚明之

淡黃初染綠初描倚春嬌
索春饒燕外鶯邊想見萬

絲揜便做無情終軟羨天
付與眼眉腰 短長亭外
短長橋駐金鑣繫蘭橈
可惜風流年紀可憐宵
辦得 重來攀折後烟雨
暗不辭遙

黃子厚

西風嫋嫋夕陽紅晚烟濃
暮雲重萬疊青山山外叫
孤鴻獨上高樓三百尺憑
玉指睇層空 人間日月
去匆匆碧梧桐又西風
北去南來銷盡幾英雄
擲下 玉尊天外去多少
事不言中

送人歸舊居

遺山

草堂潇洒浙江頭傍林丘
買扁舟隔岸紅塵無路近

沙鷗枕上書尊有酒身外事更何求
暮雲歸鳥仲宣樓
弊貂裘為誰留
千古書生那得盡
封侯在半山
亭下路聞未老去來休

段克己

雞棲行李短
轅車馬如蛙
畏途賒四十九年
強半在天涯
任使東風吹不去
頭上雪
眼中花
井泉宜稌
復宜麻
近山窰更宜瓜
明日新年開健
早還家
報荅春光猶有酒
傾綠蟻
岸烏紗

蒲江

畫樓簾幕卷
新晴掩銀屏
曉寒輕
墜粉飄香
日日喚

愁生暗數十年湖上路
能幾度
着娉婷
年華空自感
飄零
擁春醪
對誰醒
天闊雲開
無處覓
簫聲
載酒買花
年少事
渾不似
舊心情

周公謹

羅窓曉色透
花明靚
瑤笙按
瑤箏
幾訊東風
能有幾分春
二十四闌憑
玉煖
楊柳月
海棠陰
依依愁翠
沁雙顰
愛鶯聲
怕鶻聲
人自多情
春去自無情
把酒問花花不語
花外
夢夢中雲

郭仲宣

臘寒猶重見
年芳為花忙
倚雕墻
準擬巡簷
一笑但

清狂冷盡疎枝渾不柰憑折取泛清觴
揚州春夢
兩微茫記娥粧耿冰腸春信全通何用玉奩香誰見
月斜人去後疎影亂蘸寒塘

魏夫人

曾相妻

別郎容易見郎難幾何般懶臨鴛鴦憔悴容儀陡覺縷
衣寬門外紅梅將謝也誰信道不曾看曉粧樓上
望長安怯輕寒莫凭欄嫌怕東風吹恨在眉間為報
歸期須是早休誤妾一春閑

朱淑真

斜風細雨作春寒對尊前憶前歡曾把梨花寂寞淚

闌干芳草斷煙南浦路和別淚看青山
昨宵結得
夢黃綠水雲間悄亡言爭柰醒來愁恨又依然展轉
翠衾空懊惱天易見見伊難

贈尹生

古今詞話

相逢只怕有分離許多時暗為期常是眉來眼去惹
猜疑何似捻休拈弄上輕咳嗽有人知
終須買箇
小舩兒任風吹儘東西假使天涯海角也相隨縱被
江神收領了離不得我和伊

虞尚書策帥蜀其子弟倦尹生常苦人知終不快
其情意作此贈之凡綴詞多借腔叙他事此名江
神子却舉江神可
謂詠景着題也

雨中花令

竹坡

山雨細泉生
幽谷水滿平
田雪重紅蠶熟後
黃雲隴
麥秋間
武陵烟煖
數聲鷄犬別是山川
嗟老去倦
遊蹤跡長恨
華顛行盡
吳頭楚尾空慚
萬壑千巖不
如休也
一庵歸去
依舊雲山

惜黃花

史邦卿

溽秋寒渚染霜丹
樹尚依稀是來時
夢中行路時節
正思家遠道仍懷古
更對着滿城風雨
黃花無數
碧雲欲暮
美人兮美人
兮未知何處
獨自捲簾櫳
誰為開尊俎
恨不得御風歸去

許冲元

鴈聲晚斷寒霄雲捲
正一枝開風前看
月下見花占
千花香笑千香淺
化工與最先
裁剪誰把瑤林
秀閑抱江岸
恁素英濃芳心細
意何限不恨宮粧色
不怨吹羌管
恨天遠恨春來晚

且坐令

東浦詞

韓王

閑院落悞了清明約
杏花雨過
胭脂綽緊了秋千索
鬪草人歸
朱門悄掩
梨花寂寞
書萬紙恨憑誰託
纔封了又揉却
冤家何處貪歡樂
引得我心兒惡
怎生全不思量着
那人人情薄

小桃紅

劉龍洲

晚入紗窗靜戲弄菱花鏡翠袖輕勻玉纖彈去小妝
紅粉畫行人愁外兩青山與尊前離恨 宿酒醺難
醒笑記香肩並暖借蓮腮碧雲微透暈眉斜印最多
情生怕外人猜拭香津微搵

程正伯

不恨殘花妥不恨殘春破只恨流光一年一度又催
新火縱青天白日繫長繩也音春得麼 花院從教
鎖春事從教過燒筭園林嘗梅臺榭有何不可已安
排珍簾小胡床待日長閑坐

紅娘子

小桃紅同

程正伯

小小閑窓底曲曲深屏裡一枕新涼半床明月留人
歡意柰梅花引裡喚人行若隨他無計 幾點清觴
淚數曲烏絲紙見少離多心長分短如何得是到如
今畱下許多愁枉教人憔悴

月上海棠

陸務觀

蘭房綉戶厭厭病歎春醒和悶甚時醒燕子空歸幾
時傳玉闕邊信傷心處獨展團窠瑞錦 熏籠消渴
沉烟冷淚痕深展轉看花影漫攤餘香怎禁他峭寒
孤枕西窓曉幾聲銀屏玉井

蜀王舊苑

前人

斜陽廢苑朱門閉，吊興亡遺恨淚痕裏。淡淡宮梅也
依然點酥剪水，凝愁處似憶宣華舊事。行人別有
淒涼意，折幽香誰與寄。千里佇立江皋，杳難逢隴頭
歸騎。音塵遠，楚天危樓獨倚。

宣華故蜀苑名

梅花

南枝昨夜先回暖，便臨寒開。花暗香遠。化工忒煞把
瓊瑤恣情裁剪。皚皚的點綴梢頭，又遍橫斜影蘸
清溪淺。似玉人臨鵲照粉面。大家休折。且遲晉對花
開宴。祝東風吹作和羹未晚。

次遯菴韻

段成已


酒盃何似浮名好，一入枯腸。泰山小喚醒。夢中身。鶻
鳩數聲春曉。昂頭處。幾點青山屋杪。人生得計。魚
遊沼。視過眼光陰向來少。須卜一枝安。笑月底驚鳥
三繞。無窮事。畢竟何時是了。

脫銀袍

曹元寵

宣和遺事

濟楚風光昇平時。世端門友散。碗遂逐。溫來吃得
過。那堪更使金器。分明是與窮漢。消灾滅罪。又沒
支分。猶然迤滯。打篤磨。槎來根底。換頭巾。更上弄交
番。廝替告官裡。馳逗高陽餓鬼。



祭祆神

你自平生行短不公正欺物瞞心交年夜時燒毀猶
自昧神明若還替得尔亦可知好裏爭索無憑我
雖然無口肚裏清醒除非閻家大伯一時批判昏沉
休痴呵臨時恐内各自要安身

因話錄云紙錢起自唐時紙畫人未知起于何時
今世禱祀襍禮者用之刻板印染有男女之形而
無口北方之俗歲暮則人畫一板於臘月二
十四日夜珮之于身除夕焚之時有謔詞云

花草粹編卷之七終

